

西南史地文獻

第二十八卷

中國西南文獻叢書

中國西南文獻叢書
第二十八卷

中國西南文獻叢書·第三輯

西南史地文獻

第二十八卷



本輯主 編：繆文遠

副主編：徐麗華

張振興

辛佩峰

本卷目錄

盤龍山紀要	〔清〕方秉孝撰	一
滇中鎖記	〔清〕楊 瓊撰	三七
滇事述聞	〔清〕李玉振撰	七七
使滇日記	〔清〕徐 炯撰	一一五
使滇雜記	〔清〕徐 炯撰	一五三
雲南之河湖泉	〔民國〕劉慶福輯 童振藻整理	一七五
南中雜說	〔清〕劉 昆撰	二二七
滇鐸	〔清〕袁嘉谷撰	二四一
滇故鎖錄	〔清〕由雲龍撰	二五五
蜀水考	〔清〕陳登龍述	二九三

【清】方秉孝 撰

盤龍山紀要

《盤龍山紀要四卷》，清方秉孝撰。秉孝字行先。本書據民國木刻本影印，原書尺寸二十四乘十八厘米，版框尺寸十九乘十四厘米。

中華民國七年

盤龍山紀要

趙藩題檢



盤龍山紀要序

晉寧方臞仙嘗謂我以其鄉盤龍山之勝且謂乃翁農
髯先生纂有盤龍山紀要四卷藏於家暇當約我往遊
而出是書索序余欣然諾之矣既而臞仙先郵是書來
訂遊期以八月之望會余將于役嶺南不能無慨於負
羣招惡山靈也則急披是書讀之竟身雖未至不啻已
與臞仙櫻笠草鞋尋壑經邱徧探幽勝歎書之能移余
情也以余觀吾滇志山之書其佳者釋大錯之志難足
黃涵齋之志班山而農髯先生是編乃可起而與之駢
靳豈不嫩哉抑盤龍之勝以元代蓮峰禪師道場而名
盤龍山紀要序

盤龍山紀要序

一

蓮峰又吾邑人也敬梓參學心嚮往之終當一踐臞仙
之約而綴墨書首以爲券時戊午七月劍川趙藩石禪
譔

吾幼慕盤龍山欲纂志而未果今老矣蓮峰禪師歷史

也其間名勝古蹟也諸剎原始碑記勝聯也古名人詩
賦雜文也兵燹屢經諸多殘缺不忍聽其湮沒而不彰
乃隨所見而紀之卽隨所紀而攷訂之銓次之閱三載
共成四卷而山之諸要已十得八九敢謂爲盤龍生色
乎不過了吾未了之志耳抑吾嘗語人曰一邑之名勝
與一邑之文化有關是紀也於吾邑文化或亦不無小
補云鵠雖農髯方秉孝識時光緒癸巳中秋後一日

盤龍山紀要自序

二

民國七年秋余將有嶺海之役晉寧方子樹梅書來乞爲厥考農髯府君表墓辭質而意誠不敢以忤恕謝也按狀府君諱秉孝字行先晚而自號農髯先世河南方氏宋南渡後遞遷於瀘於蜀明初有以軍官隨沐黔國定滇卜居晉寧之鵝睺厥始注籍爲晉寧人十五傳而至諱淵者是爲府君之父仍世潛德讀書力田淵生二子長秉忠次卽府君府君少好學年二十補博士弟子員會滇亂室毀家破奉親轉徙十數年中艱苦堪挂敬養無缺先後終二親喪盡哀盡禮月一省墓綿歷歲年

盤龍山紀要墓表

三

每誦蓼莪之詩至老猶涕下雷縹也兄無子豪於飲府君曲意奉之惟恐不當歿而以長子嗣之滇亂旣平結廬治田朝出耕夜歸讀書遂謝進取平生不悅制藝而於音詁掌故極所研索授經於鄉塾不計脩脯士有一藝之長獎掖如不及勸人爲善不撓過不爭意氣而遇不卒事又慷慨持其平過亦置之里中建東寧菴族中建祖祠皆府君提倡觀成不自矜詡每春秋佳日大布之衣纓笠草鞋攜子提孫遊盤龍諸山摩挲碑碣鈔之油素以爲一邑之名勝與一邑之文化有關也雅能杯酒酒酣而往或至屋外溪濱科頭緩步抗聲歌古人詩

編不釋箸錄有讀詩音義二卷盤龍山紀要四卷唐宋詩精華十卷丹鉛點勘斯夕無倦中閨諷以休養笑曰吾讀來世書也中閨每舉以爲諸子勗云府君生於道光乙未年六月十一日卒於光緒甲午年九月十五日享年六十是年卽葬白沙村後之山原元配吳孀人繼配葉孀人子男六樹德樹本樹穀樹梅樹猷樹功女子一適蘇壽孫十三義民軒民堯民舜民覺民懷民天民壽民用民治民佑民新民曾孫二綱維

趙藩曰嗟乎世風至清季而日下桑海以來波靡極矣

盤龍山紀要墓表

四

求一節獨行之士憂憂乎難之以余觀樹梅兄弟爲士爲農孝友直樸皆秉府君教不隨時爲轉移而亦動與時迕雖然迕何病病不如府君耳想像府君之風卽鹿門栗里去之何遠可以詒謀可以風世顧安得世盡有若人哉謹奮筆而表之時則距府君之葬已二十有四年矣劍川趙藩撰表

盤龍山紀要卷一

古滇池方康孝行先輯

蓮峰禪師事蹟

覺照劍川段氏祝髮徧歷諸山至正七年遊晉寧東山見龍潭可建寺咒龍遷徙龍去水涸遂建盤龍寺因名盤龍僧十六年遊黑鹽井時有毒龍興水溢鹽井損民居書鐵符沉水害息遂建蓮峰菴居之因自號蓮峰禪師十八年歸盤龍寺忽一日沐浴呼寺僧祖源書偈云三界與三途何佛祖不遊不破則便有能破則便無老僧有吞吐不下門人不肯用心修投筆而化門人塔全盤龍山紀要卷一

身於寺中其先遊寧州時有虎噬人灑淨限以辟虎次日虎去遊昆明時圓通洞有蛟爲害建寺鎮之蛟去水涸名潮音洞遊黑井時募鹽於井民厭之不與以孟池井瀆而去時有童子見一黑牛尾其後及嘗滷味淡如水眾驚懼追而哀懇之傾瀉如初井人因繪僧於菴後石巖中師以八月十七日生至今中秋滇人禮之雲南通志稿

至正十五年梁王宮中有怪左右啟王曰盤龍有僧蓮峰能驅邪王禮請至行符法怪息禮謝留宮中至夜問曰今中原紛亂後事若何僧曰二十年後國亡矣至璿

蓮峰禪師名崇照劍川段氏子祝髮受具徧歷諸方了達祖乘至正間卓錫開靈照山道場後遊晉寧東山建盤龍寺居焉一日沐浴書偈擲筆而逝僧徒塔全身於盤龍肖遺像於靈照師以八月十七日生至今中秋滇人禮之語云三照一圓通證果在盤龍謂安寧有覺照

寺昆陽有普照寺新興有靈照寺晉寧有盤龍寺也江徵志

永曆帝勅

奉天承運皇帝誥曰朕惟王者之道始於正心佛氏之

盤龍山紀要卷一

二

宗終乎見性故此云定慧彼則摩提慈悲卽是好生清淨無非寡欲理則函蓋功可津梁爾盤龍山崇昭脫落聲塵會通覺海三玄正句得理忘言五分法身全體備用遂以道力普攝情瀾伏虎於寧陽華林式晏制龍於黑井寶藏無窮總之妙諦因心所以計功轉物四恩悉報三昧無聲既持福利之航應現莊嚴之果特封爲大慧禪師錫之勅命於戲空劫以還曾無名號真如不動寧有去來取諸筏喻之文續厥燈傳之緒特勅大明永曆十二月五日將軍劉崇貴知州謝禎全立山名

州東四里上有龍湫連峰禪師咒龍龍徙於東岸遂建
菴其上規模宏麗爲延東名勝徐霞客遊記連峰名崇
照元至正間以八月十八日涅槃至今以此日爲盤龍
會云

按通志州志均載師八月十七日生霞客遊記作八
月十八日涅槃是日爲盤龍會云云余自幼所記均
七月十八爲開山門日八月十八爲閉山門日所謂
開閉山門者卽開閉會期也其中惟八月朔日遠近
朝山者雲集下榻各刹幾無隙地云

盤龍山紀要

卷一

三

萬松山 雲南府志在州東五里松陰茂密盤曲無間
州治倚之舊雲南通志一名盤龍山元時建寺題其額
曰萬松古刹方輿紀要滇繫在今州東五里山多松樹
形如龍盤故又名盤龍山

按萬松之於盤龍猶華亭之於太華名雖二山其實
則一也故舊通志方輿紀要滇繫均載萬松山一名
盤龍山云

名勝

蓮谿 在寶華 庵下	蘭谷 在日照 庵下	松澗 在日照 庵下
楸林 在此紫 台旁	竹院 在玉皇 閣後	桂亭 在寶華 庵

龍湫在盤龍
寺右 魚沼在盤龍
寺 玩鶴軒在萬
松山

咒龍台在祖師
殿下 月牙池在元
和宮 日照峰盤龍
山頂

景致

盤龍夕照 龍山西向晚景尤佳祭文潛有高校雀踏
夕陽動古寺僧歸暮色微句可畫也

萬松月 寺以山名山因松顯有松而月夜最佳王

雪唐三當中秋月明攜鐵笛一樓頭三弄恨不將明月
吹墮雲老吟魂至今呼之欲出

古植物

元梅 在盤龍寺前殿東旁

盤龍山紀要

卷一

四

元杉 在盤龍寺後西南隅

元茶 在藥師殿

諸剎原始

萬松寺 唐時建元至正七年蓮峰禪師遊寶寧東山

卽卓錫此寺寺舊有瓦柱礎以碎瓦攢成潤則占

雨

盤龍寺 元至正七年蓮峰禪師咒龍龍徙與同志無

文等七人建按寺原名盤龍庵明洪武間左布政

使渭北張統更名具足禪院卽今所稱大雄殿

藥師殿 元至正十年蓮峰禪師建今階下山茶二株

相傳卽師所手植也

羅漢寺 元至正十二年蓮峰禪師建一名觀音寺

祖師殿 元至正十八年蓮峰禪師圓寂後門人祖源

建

玉皇閣 明嘉靖間培庵段永盛東園洪永誠同建郡

太守鮑公助工匠二百餘人

元和宮 明嘉靖間郡人段經宰河池縣致仕歸建

接引佛殿 明萬曆丁亥郡太守李公偕郡人趙國泰

唐堯官及僧道成建

華嚴閣 明宗禎初建原建閣三層因道光十三年地

盤龍山紀要 卷一

五

震傾圮二十三年重修

寶華庵 明萬曆間州紳劉漢東建

三祖禪院 明萬曆間僧圖富建

復陽庵 明宗禎初黃冠袁道翁建

睡佛殿 呂祖亭 伽藍殿 紫金臺 斗母閣上五

刹均建始於明代因無碑碣可考故附注於後

諸刹碑記

具足禪院記 雲南左布政使渭北張統記 洪武癸

酉

重修盤龍寺記 雲南左布政使京口王豫撰 正統

十一年

盤龍寺新建兩廊碑記 鄉進士知蜀長寧縣事孫鰲

撰 嘉靖十三年

新建玉皇閣碑記 四川石泉縣儒學教諭郡人張潔

撰 嘉靖二十二年

三祖禪院碑記 貴州提刑按察司郡人黃明良撰

萬曆六年

新建寶華庵記 郡人蘇九河撰 天啟二年

重建元和宮碑記 廣西荔波縣知縣郡人徐日明撰

康熙二十二年

盤龍山紀要 卷一

六

重建復陽庵碑記 歲進士郡人王特晉撰 康熙四

十九年

重修接引佛殿碑記 郡人知縣唐麟撰 道光二十

三年

諸刹勝聯

睡佛殿

與白雲遊 知州周華林

道悟三乘豈是夢遊南海 丹成九轉何妨高臥東山

前人

呂祖亭

踏接蓬萊

黃鶴溪頭留聖蹟 玉清宮裏妙元機 雅灘鄭家齊

第一山門

盤龍古寺 知州廖修明

孤鶴望空山以外都無仙境 五龍盤古寺比中別有

洞天 訓導王善量

華嚴閣

佛谷雲深 邑貢生王銓

接引佛殿

香國莊嚴 知州劉安科

盤龍山紀要 卷一

對此碧海青山常教俗塵消萬斛 相借慈雲法雨送

將膏澤下諸天 知州舒運昌

第二山門

在此山中 開旭

彌勒韋馱龕

科頭跣足一切俗緣俱解脫 笑臉大肚萬般苦惱等

虛空 無名氏

遠鎮名山不外將軍本色 曠清梵宇常存佛子初心

無名氏

盤龍寺

瑤光普福 邑人山東濟南府知府張鵬昇

妙莊嚴共仰慈尊若是實相非相 大般若常行智慧

當以無門爲門 發當

移龍窟以建龍宮香座經壇千古盤龍如故 傍象山

而開象教慈雲法雨一天氣象長新 王善量

祖師殿

个中合有人問往古來今誰破 活處元無佛任眉橫

鼻直俱非 發當

這個骨堆爲怕死的猛然見了皆道活 一團熱鐵在

咬破者即時啞却豈容吞 前人

盤龍山紀要 卷一

象教七百年四闕滄桑偶爾形骸蛻泥滓 龍潭一勺

水萬家沾溉至今黎庶起瘡痍 舒運昌

綠陰一徑入空門岩竹溪花到處都留禪意 丹嶂千

年藏古塔雲龍風虎至今同護幽棲 劉安科

三十載道岸誕登成佛在人先師真才子 六百年劫

灰莫問大乘無我相塔是初禪 昆明李坤

虎伏龍降知道力 鳶飛魚躍現禪機 喻文元

紫金臺

大地山河眼前一齊盡化 海潮風雨天外幾度聞來

李憲章

玉皇閣

何處覓清虛，瞻風閣頭爛開碧。落棟插丹霄，高矣九重無上地。於斯是廣穆，看龍窟外仗擁青山，班環綠水

堂哉一座大羅天。六名

元和宮

欽若昊天。段經

風雷在手。河陽段琦

元武維揚北極天，文輝望鶴。段琦下佚

藥師殿

妙願難量。邑人段琳

盤龍山紀要卷一

九

瑞霽香城。昆明陸樹堂

佛谷長春。僧正密相

萬松寺

光耀元燈。知州陳梅

般若堂中集千眾僧，纔成法會。旃檀座上離一切相

方見如來。擔當

盤龍山紀要卷二

古滇池方秉孝行先輯

明古今體詩

王宗。字守約，邑人。正統戊午舉人。先生於五龍山下梅花谷，創建梅谷書院，聚弟子講學其中。成就甚眾，後卒於太學。著有一菴集、草庭吟行世。

萬松寺

萬松青一色，寺創萬松間。風靜鳥聲碎，雲深僧意閒。波

濤喧大壑，日月蔽重關。蟻展空階裏，徐行印蘚斑。

邵玘。邑人，正統丁卯舉人，官同知。

羅漢寺

盤龍山紀要卷二

數載不遊羅漢寺，萬松依舊闕岡巒。上方樓閣誇新創，

下界山川入大觀。杖錫僧歸山徑滑，聽經龍去墨池乾。

銘文誰刻碑亭古，漫拂輕塵仔細看。

一貴。江南金壇人，正統間任知州，勤慎有才，凡學宮壇廟修葺一新，水旱祈禱，即應。民謠曰：旱

莫忙公，請禱莫忙公，請禱。

選佛場

聞道西江聖僧出，覺路大開講禪律。選佛誰知勝選官，

得人即把心燈傳。何勞辛苦問南岳，若悟定慧皆西天。

就中規模先入定，安習威儀遵馬勝。五門精鍊潛忘機，

心似沾泥絮不飛。聞觀一月白，清淨默坐煙霞無是非。

於今參透二三語果然幻泡了生死識破前身是隱峰
石頭路滑從來去

蕭文亮邑人景泰庚午舉人官訓導

觀音寺

小橋流水老僧家時有人來問法華曲徑疎篁清不俗
閒堦芳草綠無譁片雲自護降龍鉢八寶誰裝駕鹿車
徐步虛廊看畫壁不知屐齒映苔花

萬松寺

十年不到此經過塵鞅羈人柰若何臺殿還如前日好
松杉秀比舊時多閑房寂寂門常鎖幽谷關關鳥自歌

盤龍山紀要卷二

步入龍華曲徑處數聲輕磬繞煙蘿

朱克瀛字孔淵號清菴邑人景泰癸酉舉人任定州訓導辭歸養母自幼穎異博學能文尤工詩

著有清菴集行世

遊盤龍具足禪院

晨興入翠微石磴縈紆上逢危應恐墮遇勝輒成賞啟
窗悅虛明開軒坐閒暇青山相拱揖白雲互來往花砌
足幽香松濤饒逸響嗟我絆浮名勞勞恆俯仰

凌克溫邑人天順己卯舉人官海鹽州知州

遊盤龍寺

爲愛名山上翠微萬松深處叩禪扉花開古砌春常綠

雲臥閒堦曉不飛刻石人留當日記傳燈僧有舊時衣
坐來便覺心機息忘却浮生是與非

王懋邑人成化辛卯舉人

盤龍寺

秋涼閒叩老僧家展印蒼苔石徑斜支遁能文陪笑語
遠公好客薦瓜茶松花落處多於雪楓葉丹時半是霞
倚徙珠林吟到晚不知新月挂天涯

朱鳳克瀛子成化甲午舉人安樂縣知縣告養歸著東湖詩集行世

萬松寺

招提隱隱萬松深忙裏偷閒喜暫臨雲靜四檐含翠色

盤龍山紀要卷二

日長滿地落青陰寒聲慣入山僧耳爽氣偏諸野客心

一點紅塵飛不到祇容猿鶴伴孤吟

包王涇寧人成化丁酉舉人官首寧州訓導

蓮峰禪師遺像堂

蓮峰開山創山寺了悟真空任來去自是棲身爲過客
解使深潭作平地祝龍一夕遣龍移神鬼潛驚人不知
披剪荆榛大基址積儲松柏鳩工師經營臺殿勢雄偉
地布黃金閣飛翠萬千宏願成具足多少含恩歸化利
飄然雙展竟西還留得遺形在世間雲鎖空堂開白日
一龕煙雨松風寒

諸伯成邑人別化開元生官雅州學正

盤龍山觀音寺

青山疊疊擁層巒寶閣巍巍出半天內見金身高丈六
外觀世界小三千語風鐺帶松聲響沈水香和柏子煙
俯仰下方遙矚望萬家鱗次屋相連

孟淵邑人成化癸卯舉人官知縣

羅漢寺

乘暇來蘭若山晴宿霧消林深昏白日閣峻出層霄花
氣三春積鶯聲百轉嬌遠公新結社清話早能招

蕭景時字應元邑人宏治己酉舉人在安陸知縣以不能曲事上官告歸作秋雨賦以見志著有

盤龍山紀要卷二

可亭集

盤龍寺

路入東山第一峰過橋日晏始鳴鐘琅玕翠立巖前竹
琥珀香生澗底松野鳥自呼聲婉轉山僧相見語從容
照師已去碑猶在漫說深潭有蜃龍

唐佐字朝相邑人宏治壬子舉人入太學聞父訃哀號走萬里淚盡出血抵家水漿不入口數

卒日

羅漢寺

倚空高閣聳層層今日偷閒試一登壁上有詩能記我
山中無地不歸僧鳥知客至調新弄龍作人來問大乘

讀龍碑文思創始百年象教又重興

蕭仲紀邑人宏治間歲貢官榮經縣教諭

盤龍寺

杖屨追隨到梵宮喬松半偃竹成叢禪房過雨窗飛日
佛閣憑虛鐸語風鳥弄好音山谷靜鶴盤遶勢野雲
近來聞結東林社可有淵明在此中

李仁邑人宏治間貢生官令州訓導

盤龍寺

擾擾紅塵暫得閒翠微深處叩禪關澄心欲問傳燈語
躡屐重登卓錫山綠樹風生蟬自噪青松雲散鶴初還
盤龍山紀要卷二

及時正好同行樂莫待秋霜點鬢斑

黃

琮邑人宏治間貢生官松滋知縣本姓孫河南光州人其先世贊於黃因姓明初戊寅遷家焉

紫金臺登眺

石磴峻嶒繡碧苔偷閒又上紫金臺碑文細讀塵緣息
滇海平鋪眼界開弄色山花掠酒巖爭鳴野鳥助詩懷
寶坊雖是僧家地莫厭壺觴數往來

黃敏才

字性之別字非菴琮之子也正德癸酉舉人登甲戌會試乙科授烏程訓導己卯以薦興廣東鄉試得人最盛嗣改順天訓導乙酉又典湖廣鄉試隨陞解州知州或機不待出粟賑濟會大疫治藥給藥全活以萬計時有通寇臨界設方略禽之還九江同知疏龍開河平江洋寇再還石